

Pwyllgor Ymddiriedolaeth Elusennol Ynys Môn

Cofnodion y cyfarfod a gynhaliwyd ar 22 Ebrill 2014

PRESENNOL:	T. Victor Hughes (Cadeirydd) Lewis Davies, Jeff M. Evans, Jim Evans, Ann Griffith, John Griffith, Derlwyn R. Hughes, Kenneth P. Hughes, T. Ll. Hughes, Vaughan Hughes, Llinos M. Huws, Gwilym O. Jones, H. Eifion Jones, Richard O. Jones, R. Ll. Jones, R. Meirion Jones, Alun Mummery, Bob Parry OBE, Dylan Rees, J. Arwel Roberts, Nicola Roberts, Alwyn Rowlands, Ieuan Williams.
WRTH LAW:	Ysgrifennydd, Swyddog Pwyllgor (MEH).
YMDDIHEURIADAU:	Richard A. Dew, W.T. Hughes, Aled M. Jones, Carwyn Jones, Peter S. Rogers, Dafydd R. Thomas.
HEFYD YN BRESENNOL:	Mr. Gerallt Llewelyn Jones, Rheolwr Gyfarwyddwr (Menter Môn)

Rhoddodd y Cadeirydd groeso i Mr. Gerallt Llewelyn Jones, Rheolwr Gyfarwyddwr Menter Môn i'r cyfarfod.

1 DATGANIAD O DDIDORDEB

Roedd Mr. Derlwyn R. Hughes yn dymuno iddo gael ei nodi ei fod yn cael ei gefnogi gan Medrwn Môn sy'n rhannu swyddfa gyda Menter Môn.

2 COFNODION

Cadarnhawyd cofnodion y cyfarfod a gafwyd ar 20 Mawrth 2014 fel rhai cywir.

MATERION YN CODI

Holodd yr Aelodau a oedd adroddiad i'w gyflwyno i'r cyfarfod nesaf o'r Ymddiriedolaeth Elusennol ar y mater a godwyd yn y cyfarfod diwethaf ynglŷn â thrafodaethau i godi'r cyllid cyfalaf ar gyfer dyraniadau grant. Dywedodd yr Ysgrifennydd bod ffurflenni cais am grantiau wedi eu hanfon allan ar gyfer blwyddyn ddinesig 2014/2015 ac y bydd angen cael trafodaeth ar y broses ddyrannu grantiau yn 2015/2016. Nododd ymhellach y bydd angen hefyd ystyried y cyfarwyddiadau ar gyfer dyrannu grantiau.

3 CAIS AM ARIAN CYFATEBOL AR GYFER GRANT Y GYMUNED EWROPEAIDD YNG NGHYMRU WLEDIG

Dywedodd yr Ysgrifennydd bod Ymddiriedolaeth Elusennol Ynys Môn wedi dyrannu arian cyfatebol i Menter Môn dros y blynyddoedd. Roedd yr arian cyfatebol hwn yn hollol ar wahân i'r broses gyllido grant blynyddol i gaeau chwarae, neuaddau pentref/cymuned ac ati.

O fewn Ymddiriedolaeth Elusennol Ynys Môn fe geir Pwyllgor Adfywio a fu'n ystyried cyllid economaidd a Grantiau Ewropeaidd i Ardaloedd Gwledig.

Cafwyd cyflwyniad gan Mr. Gerallt Llewelyn Jones, Rheolwr Gyfarwyddwr Menter Môn mewn perthynas â chais am arian cyfatebol o £330,000 ar gyfer derbyn Grant y Gymuned Ewropeaidd yng Nghymru Wledig 2014 – 2019.

Dyweddodd Mr. Jones y byddai'r cyllid yn denu £2,805,000 o arian yr EARDF a chyllid arall drwy raglen LEADER y Cynllun Datblygu Gwledig UE i helpu gydag ailstrwythuro economaidd Ynys Môn. Byddai'r cyllid hwn yn cynnwys y cyfnod rhwng 1 Gorffennaf 2014 a 31 Rhagfyr 2017. Roedd ffigyrau'n nodi y byddai cyllid yr Ymddiriedolaeth Elusennol yn cyfateb i 10.5% o gyfanswm cronfa o £3,135,000.

Rhoddodd Mr. Jones fraslun o gefndir Menter Môn o'i sefydlu yn 1995. Nid yw'r cwmni'n dosbarthu elw; mae iddo'r bwrpasau hollol anhunanol o ychwanegu gwerth economaidd a chreu swyddi. Mae Annog Cyf., yn gwmni masnachol atodol i Menter Môn ac mae'r ddau yn cyflogi 65 aelod staff ac yn 2013 fe ddychwelwyd trosiant o £7m.

Cytunodd Ymddiriedolaeth Elusennol Ynys Môn i ddarparu £300k o arian i Menter Môn i gynhyrchu cyfanswm cyllidebol o £3m ar gyfer 2010 - 2014ac yn ystod y cyfnod fe ganolbwyntiwyd ar wneud Gwelliannau mewn Pentrefi a Gwella Mentrau a Gwasanaethau Cymunedol. Cwblhawyd 18 o brosiectau cyfalaf, derbyniodd 15 o gymunedau tref/pentrefi fuddsoddiad, cynghorwyd 25 o grwpiau cymunedol a 219 o unigolion, derbyniodd 41,600 o boblogaeth yr ardaloedd fantais ac elwodd 1,212 o blant o weithiau.

Bydd Rhaglen Grant y Gymuned Ewropeaidd 2014 – 2019 yn cael ei dargedu tuag at :-

- Ddefnyddio technoleg digidol
- Hwyluso datblygiad cyn fasnachol, partneriaethau busnes a chadwyni cyflenwad byr
- Ymchwilio i ffyrdd newydd o ddarparu gwasanaethau lleol anstatudol
- Ynni Adnewyddadwy ar Lefel Gymunedol
- Ychwanegu gwerth i hunaniaeth leol ac adnoddau naturiol a diwylliannol

Rhai materion a godwyd gan Aelodau'r Ymddiriedolaeth :-

- Gofynnwyd cwestiynau am y ganran o'r dyraniad grant a dreulir ar weinyddu. Dywedodd Mr. Gerallt Jones y byddai llai na 10% o'r grant yn cael ei ddefnyddio i bwrpasau gweinyddol.
- Gofynnwyd cwestiynau a oedd yn bosibl i sefydliadau gael grant gan Menter Môn a chan Ymddiriedolaeth Elusennol Ynys Môn ar gyfer yr un prosiect. Dywedodd Mr. Gerallt Ll. Jones y byddai angen i'r cais am grant fod ar wahân h.y. am fenter wahanol o fewn y prosiect.
- Yr angen i'r Ymddiriedolaeth Elusennol ymchwilio i'r posibilrwydd y gallai Tref Amlwch wneud cais am gyllid grant o gronfeydd Ymddiriedolaeth Elusennol Ynys Môn. Nodwyd nad yw Amlwch ar hyn o bryd yn gallu gwneud cais am gyllid gan yr Ymddiriedolaeth Elusennol fel oedd wedi ei nodi yng Ngweithredoedd yr Ymddiriedolaeth.
- Ceisiodd Aelodau'r Ymddiriedolaeth gael gwybod a oedd cyfrifon terfynol Menter Môn ar gael i'w harchwilio. Dywedodd Mr. Gerallt Jones fod cyfrifon yn cael eu hanfon i'r Adran Ddatblygu Economaidd yn flynyddol. Nododd y byddai'n fodlon iawn i roi copi o gyfrifon ariannol Menter Môn am 2013 i Aelodau'r Ymddiriedolaeth lawn.

Yn dilyn trafodaethau pellach, **PENDERFYNWYD** :-

- **I gefnogi, mewn egwyddor, y cais am arian cyfatebol am Grant Cymuned Ewropeaidd yng Nghymru Wledig;**
- **Y bydd y Pwyllgor Adfywio yn trafod y mater mewn manylder ynghyd â'r canllawiau ar gyfer dyrannu grantiau arian cyfatebol ac yn adrodd yn ôl i'r cyfarfod llawn nesaf o'r Ymddiriedolaeth Elusennol.**

MR. T. VICTOR HUGHES
Cadeirydd